

**KANTON SARAJEVO STRUČNA SLUŽBA ZA ZAJEDNIČKE POSLOVE**  
ulica Reisa Džemaludina Čauševića br. 1 71 000 Sarajevo, ID broj: 4200667410006  
zastupana po načelniku Fikretu Jašareviću, (u daljem tekstu Kupac)

i

**“DEFTER-KOMERC“ d.o.o. Sarajevo**

ul. Azize Šaćirbegović bb, 71000 Sarajevo, ID broj: 4200535260005  
koga zastupa direktor Šaćir Pandžo (u daljem tekstu Prodavac)

*zaključili su*

## **UGOVOR**

*o kupoprodaji kancelarijskog materijala za potrebe organa Kantona Sarajevo*

### **Član 1.**

Ovim ugovorom ugovorne strane utvrđuju prava i obaveze vezane za nabavku kancelarijskog materijala za potrebe organa Kantona Sarajevo u skladu sa ponudom od Prodavca broj: 116/19, dostavljene po pozivu za ponudom za predmetnu nabavku putem direktnog sporazuma.

Prodavac se obavezuje izvršiti prodaju, isporuku i montažu robe iz stava 1. ovog člana Kupcu, a Kupac platiti istu prema odredbama ovog ugovora, a u skladu sa cijenama koje su date u gore navedenoj ponudi, koja je sastavni dio ovog Ugovora.

### **Član 2.**

Kupoprodaja robe iz ovog Ugovora obaviti će se po jediničnim cijenama i kvalitetu prihvaćene ponude broj: 116/19, u vrijednosti od:

<b>Ukupna cijena bez PDV-a</b>	<b>5.757,65 KM</b>
<b>PDV 17 %</b>	<b>978,80 KM</b>
<b>Ukupna cijena sa PDV-om</b>	<b>6.736,45 KM</b>

**Slovima: (šesthiljadasedamstotinatridesetšest 45/100)**

### **Član 3.**

Isporuka robe iz tačke 1. ovog Ugovora izvršit će odmah nakon potpisivanja ugovora i dostavljanja narudžbenice od strane Kupca, po količinama iz prihvaćene ponude, a najdalje u roku od 7 dana od dana važenja ugovora.

### **Član 4.**

Kvalitativni i kvantitativni prijem proizvoda iz ovog ugovora Kupac se obavezuje obaviti odmah po prijemu robe. Ukoliko se utvrde kvantitativne razlike, odnosno utvrdi se oštećenje primljenih proizvoda ili ako se ustanovi da kvalitet robe ne odgovara uzorku dostavljenom po pozivu, Kupac će sačiniti komisijski zapisnik kojeg će u roku od 3 dana dostaviti Prodavcu radi prihvatanja ili odbijanja reklamacije uz dostavljanje argumenata za odbijanje iste.

### **Član 5.**

Prodavac je dužan da odmah po dobijanju zapisnika sa utvrđenim nedostacima, provjeri istinitost predočenih navoda i ukoliko se potvrdi tačnost iznesenih argumenata, dužan je „odmah“ a najduže u roku od 48 sata otkloniti nedostatke (izvršiti zamjenu).

Ukoliko to ne učini Kupac zadržava pravo da u roku od 24 sata jednostrano raskine ovaj ugovor i o tome pismeno obavijesti Prodavca, a isporučenu nekvalitetnu (neadekvatnu) robu vrati prodavcu.

Također, Kupac zadržava pravo jednostranog raskida ugovora ukoliko se utvrdi da prodavac ne poštuje rokove isporuke robe, odnosno ukoliko se utvrdi da Prodavac svjesno krši bilo koju ugovorenu stavku ovog ugovora.

#### **Član 6.**

Prodavac se obavezuje priznati reklamacije na kvantitet robe koja će biti popraćena odgovarajućom dokumentacijom – zapisnikom, uz obavezu navođenja broja i datuma otpremnice i računa Prodavca, kako bi se zadovoljili uslovi reklamacijskog roka od 8 dana.

#### **Član 7.**

Prodavac će fakturisati isporučene proizvode po cijenama iz prihvaćene ponude broj 116/19 prihvaćene po pozivu za predmetnu nabavku. Također, prodavac se obavezuje da će robu isporučiti u roku od 7 dana od dana prijema narudžbe.

#### **Član 8.**

Kupac se obavezuje platiti fakturu prodavcu u zakonskom roku od 30 dana od prijema fakture.

#### **Član 9.**

Ugovorne strane su saglasne da će sve izmjene i dopune ovog ugovora regulisati u skladu sa važećim zakonskim odredbama.

#### **Član 10.**

Ovaj ugovor se počinje **primjenjivati danom potpisivanja.**

#### **Član 11.**

Ugovorne strane mogu jednostrano otkazati ugovor pismenim putem sa otkaznim rokom od 15 dana.

#### **Član 12.**

Za sve sporove koje ugovorne strane ne budu mogle riješiti sporazumno, prihvataju nadležnost Suda u Sarajevu.

#### **Član 13.**

Ovaj ugovor sačinjen je u 4 istovjetna primjerka od kojih po dva primjerka pripadaju svakoj ugovornoj strani.

**KUPAC:**

**KANTON SARAJEVO**  
**Stručna služba za zajedničke poslove**

**Načelnik**

**Fikret Jašarević**

Broj: 17-14-43417-1

Datum: 13.12.2019. godine

**PRODAVAC:**

**„DEFTER-KOMERC d.o.o. Sarajevo**

**Direktor**

**Šaćir Pandžo**

Broj:

Datum: